

www.e-rara.ch

Tomus primus Paraphraseon Des. Erasmi Roterodami in Novum Testamentum, videlicet in quatuor Evangelia & Acta Apostolorum

Erasmus, Desiderius

Basileae, an. 1541

Universitätsbibliothek Basel

Persistent Link: <https://doi.org/10.3931/e-rara-4004>

Vita sancti Pauli per divum Hieronymum

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

VITA SANCTI PAULI PER
Diuum Hieronymum.



Aulus apostolus, qui ante Saulus, extra numerū duodecim apostolorum, de tribu Beniamin & oppido Iudææ Gischalis fuit, quo à Romanis capto, cum parentibus suis Tarsum Ciliciæ commigravit: à quibus ob studia legis missus Hierosolymam, à Gamaliele uiro doctissimo, cuius Lucas meminit, eruditus est. Cum autem interfuisset neci martyris Stephani, & acceptis à pontifice templi epistolis, ad persequendos eos, qui Christo crediderāt, Damascum pergeret, reuelatione compulsus ad fidem, quæ in actibus apostolorū scribitur, in uas electio nis de persecutore translatus est. Cumq; primum ad prædicationē eius Sergius Paulus proconsul Cyprī credidisset, ab eo quod eum Christi fidei subegerat, sortitus est nomen Paulus: & iuncto sibi Barnabæ, multis urbibus peragratis, reuertensq; Hierosolymam, à Petro Iacoboq; & Ioanne gentium apostolus ordinatur. Et quia in actibus apostolorum plenissime de eius conuersatione scriptum est, hoc tantum dicam, quod post passionem domini uicesimoquinto anno, id est secundo Neronis, eo tempore quo Festus procura tor Iudææ successit Felici, Romam uinctus mittitur, & biennium in libera manens custo dia, aduersus Iudæos, de aduentu Christi quotidie disputauit. Sciendum autem in prima satisfactione, necdum Neronis imperio roborato, nec in tanta erumpente scelera, quanta de eo narrant historiæ, Paulum à Nerone dimissum, ut euāgelium Christi in Occidentis quoq; partibus prædicaret, sicut ipse scribit in secunda epistola ad Timotheum, eo tempo re quo & passus est, de uinculis dicens epistolam: In prima mea satisfactione nemo mihi adfuit, sed omnes me dereliquerunt, non eis imputetur. Dominus autem mihi adfuit, & confortauit me, ut per me prædicatio compleretur, & audirent omnes gentes, & libera tus sum de ore leonis. Manifestissime leonem propter crudelitatem Neronem significans. Et in sequentibus: liberatus sum de ore leonis. Et statim, Liberauit me dominus ab omni opere malo, & saluauit me in regnum suum cœleste, quod scilicet præsens sibi sentiret im minere martyriū. Nam & in eadem epistola præmiserat: Ego enim iam immolor, & tem pus resolutionis meę instat. Hic ergo decimoquarto Neronis anno, eodē die quo Petrus, Romæ pro Christo capite truncatus sepultusq; est in uia Ostiensī, anno post passionem domini tricesimo septimo. Scripsit autem nouem ad septem ecclesias epistolas, ad Roma nos unam, ad Corinthios duas, ad Galatas unam, ad Ephesios unam, ad Philippenses u nam, ad Colossenses unam, ad Thessalonicenses duas: præterea ad discipulos suos, Ti motheo duas, Tito unam, Philemoni unam. Epistola quæ fertur ad Hebræos, non eius creditur propter stili sermonisq; distantiam: sed uel Barnabæ iuxta Tertullianū: uel Lucæ euangelistæ, iuxta quosdā: uel Clementis Romanæ postea ecclesiæ episcopi, quem aiunt sententias Pauli proprio ordinasse & ornasse sermōe. Vel certe quia Paulus scribebat ad Hebræos, & propter inuidiam sui apud eos nominis titulū in principio salutationis am putauerat, scripserat ut Hebræus Hebræis Hebraice, id est, suo eloquio disertissime, ut quæ eloquenter scripta fuerant in Hebræo, eloquentius uerterentur in Græcum: & hanc causam esse quod à cæteris Pauli epistolis discrepare uideatur. Legunt quidam & ad Lao dicenses, sed ab omnibus exploditur.